



Formula Edicti promulgandi.

CVM ad notitiam Sanctissimi Domini Nostri Domini CLEMENTIS PAPÆ XI. delati fuerint graves abusus, à plerisque eorum inyeçti, qui vbi de mandato Iudicum sive incriminalibus, sive etiam incivilibus capti fuerint, & in carceres conyeçti, vt inde emittantur, allegare frequenter solent sese ab Ecclesijs, alijsve locis immunibus, ad quæ confugerant, blandis verbis, vel aliàs dolosè extractos fuisse, & ad propriam allegationem comprobendam, non solum in suis depositionibus facile pejerant, sed falsos insuper inducunt testes, adhibitaque consanguineorum, vel amicorum suorum opera, etiam alia non minus damnabilia patrare non erubescunt; Quinimò aliquando ipsimet sunt, quid ad effectum liberè vagandi, & forsàn etiam impunè delinquendi, per Baroncellos, & Executores, aliosve similes Iustitiæ Ministros, da a opera, ab Ecclesijs, locisve immunibus prædictis sese extrahi curarunt, ea spe freti, quod interim Ecclesiasticæ Immunitatis beneficium amittere non deberent. Hinc est, quod Sanctitas Sua eiusmodi malis, pro eximia sua sollicitudine, ac zelo, occurrere intendens, speciali commissione, per organum Sacræ Congregationis Immunitati Ecclesiasticæ, & Controversijs Jurisdictionalibus præpositæ Nobis directæ & inferius registranda, districtè Nobis injunxit, vt ad presentis Edicti promulgationem procederemus.

Apostolicis itaque Sanctitatis Sux mandatis, qua par est, veneratione, & obsequio morem gerentes, vigore præsentis publici Edicti, monemus omnes, & singulas personas cuiuscumque status gradus, & conditionis existant, quæ actu confugerunt, vel in posterum confugient ad Ecclesias, & loca immunia, si beneficio Immunitatis huiusmodi gaudere velint, nè sub quovis pretextu exeant, vel discedant ab eisdem Ecclesijs, locisve immunibus, imò diligentèr caveant, nè fidem adhibeant vlli assecurationi quam sibi ad id à quavis persona, etiam si fuerit Iustitiæ Minister offerri contigerit, nisi eis simul exhibeatur Salvus Conductus ab aliquo Iudice Ordinario, vel delegato concessus, ac subscriptus; quo casu Salvus Conductus huiusmodi, pro eo tamen dum taxat limitato tempore, pro quo concessus fuerit, ipsis suffragabitur.

Curent igitur omnes, & singuli confugientes ad Ecclesias, & loca immunia præcisè servare confugium; Quoniam, si deinceps extra Ecclesias, & loca immunia huiusmodi capti, ad manus Curix devenerint, nequaquam eis proderit, ad effectum fruendi beneficio Ecclesiasticæ Immunitatis, allegare, vel etiam concludenter probare, quod blandis verbis, vel aliàs dolosè, ab Ecclesijs, vel locis immunibus prædictis extracti, seu abducti fuerint; Cum Sanctissimi Do-

311
Domini Nostri mens sit, quod de cætero ex tantum extrationes
seu abductiones extractis, seu abductis ad præfactum effectum
suffragentur, quæ aut violenter, aut sub fide Salvi Conductus, ut
supra concessi, & subscripti, secutæ fuerint.

Ceterum, ubi contingat in hac nostra Diocesi aliquam reperiri
personam, quæ reverà blandis verbis, aut alias dolose ab Eccle-
sia, seu loco immuni extracta, vel abducta fuerit, serio illam per
præsens Edictum admonemus, ut quatenus frui intendat bene-
ficio Immunitatis Ecclesiasticæ localis, redeat ad confugium
intra terminum unius mensis, à die publicationis præsentis Edicti
computandum, petito prius à Nobis Salvo Conductu, quem
gratis concedemus; Quod si elapso prædicto termino, extra
locum immunem deprehensa fuerit, sciat se habendam esse, per-
indè ac si ab eodem loco immuni sponte sua discesserit, nec am-
plius audiendam super extractione dolosa, quam de præterito
se passam fuisse allegaret, cum talis itidem sit mens Sancti-
tatis Sux.

Volumus autem, hoc nostrum monitoriale Edictum ad valvas Me-
tropolitane Ecclesiæ huius Civitatis affigi, & publicari, ac in-
super in singulis Parrochialibus Ecclesijs nostræ Diocesis, inter
Missarum solemnias, promulgari, sicque affixum, & publicatum,
ac respectivè promulgatum, post mensem à die illius affixionis,
& publicationis, ac respectivè promulgationis computandum,
omnes, & singulos, quos illud concernit, perindè arctare, &
afficere, ac si univique eorum nominatim, & personalitèr inti-
matum fuisset. Datum ex Nostro Palatio Archiepiscopali hac
die